



Օրենսդրական փոփոխություններ

Նոր առավելություններ՝
օրինապահ հարկ վճարողներին

www.src.am



Օրինապահ հարկ վճարողի անժամկետ հավաստագիր

Օրինապահ հարկ վճարողի հավաստագիրն այլևս տրամադրվելու է անժամկետ՝ ներկայումս գործող մեկ տարի ժամկետի փոխարեն: Բացառություն կկազմեն լիազորված տնտեսական օպերատորի ռեեստրում ընդգրկվելու նպատակով տրամադրվող հավաստագրերը, որոնց համար կպահպանվի գործող ժամկետային կարգավորումը:



Եռամսյակային մշտադիտարկում

Հարկային մարմինը եռամսյակային պարբերականությամբ իրականացնելու է օրինապահ հարկ վճարողի գործունեության արդյունքների մշտադիտարկում՝ ապահովելու հարկ վճարողի շարունակական օրինապահ վարքագծի գնահատումը:



Հավաստագրի գործողության դադարեցում

Եռամսյակային մշտադիտարկման արդյունքներով հարկային մարմինը կարող է դադարեցնել օրինապահ հարկ վճարողի հավաստագրի գործողությունը:

Կառավարությունը կսահմանի օրինապահ հարկ վճարողի հավաստագրի գործողության դադարեցման դեպքերն ու ընթացակարգերը:



Անհատական և առաջնահերթ սպասարկում

Օրինապահ հարկ վճարողների
սպասարկումն իրականացվելու է
առաջնահերթ և արտոնյալ պայմաններով:

Հավաստագրի տրամադրումից հետո՝
մեկ աշխատանքային օրվա ընթացքում,
յուրաքանչյուր օրինապահ հարկ վճարողի
համար կնշանակվի անհատական
սպասարկման մասնագետ, որի տվյալները
կտրամադրվեն հարկ վճարողին
էլեկտրոնային եղանակով:



Ռիսկայնության գնահատման նոր մոտեցում

Համալիր հարկային ստուգումների
պլանավորման ընթացքում օրինապահ
հարկ վճարողների նկատմամբ
ռիսկայնության գնահատման ժամանակ
կիրառվելու է լրացուցիչ 0.8 գործակից:

Օրինապահ հարկ վճարողները ավելի քիչ
կընդգրկվեն բարձր ռիսկայնությամբ
գնահատվող խմբերում՝ օգտվելով առավել
բարենպաստ վարչարարությունից:



Հավաստագրի տրամադրման կարգը չի տարածվի ներդրումային ֆոնդերի վրա

Օրինապահ հարկ վճարողի հավաստագրի տրամադրման գործընթացը չի տարածվի ներդրումային ֆոնդերի վրա՝ հաշվի առնելով դրանց գործունեության առանձնահատկությունները և նրանց համար գործող բարենպաստ հարկային կարգավորումները: